

اِسْتِغْنَا

نومبر ۲۱

بجانبہ

۵ شباط ۱۳۲۴

کې احکام عاليه مقتضاسندندر بونکه برابر خدمت مقدسه عسکریه بی بوتون اولاد وطنه سودیرمک و شمدی به قدر واقع اولان تلفات مؤلمه به بر سد حائل چکمک ، وطن و ملتہ معنأ و مادة قوتلی مدافعلر یتشدیرمک ایچون بوندن صوکرأ ملل متمدنه اولدینی کپی امرای عسکریه مزك عثمانلی عسکرلرینک تلبس و اعاشه لرینه و خدمت عسکریه نك هیچ بر وجهله اوچ سنه بی تجاوز ایتمه ماسنه فوق العاده دقت ایتملری کندیلرینه ترتب ایدن وظائفك اك بیوکلر ندندر .

خدمت مقدسه عسکریه بوتون عثمانلیره تشمیل ایدلمکله آلتش سنه دنبری واقع اولان عدالتسزلک زائل اولوب سلك جلیل مذکورده بر سنجاق آلتنده بوتون عثمانلیرك عین وظائف و عین حقوق ایله مکلف اولملری سایه سندہ تربیه و افکار ملیه عثمانیه ده شدتله احتیاجنی حس ایتدیکنز وحدت حاصل اولور .

عزیز

نتیجه مسابقه :

تابعیت اجنبیه بی حائر بر غزته ناشرینک منافعه مزه و حیثیت مزه منافی نشریاته تصدیقی حالنده ممالک عثمانیه دن طرد و اخراجنه حکومتك حق و صلاحیتی وارمیدر ؟ و یوق ایسه نه کپی تدابیر اتخاذ ایده یلور « موضوعی اوزرینه آچدیغمز مسابقه به قارئلرمزدن پك چوق ذوات اشتراك آیتش ، مطبعه مزه پك کزیده مقاله لر ورود ایلمشدر . مشاهیر وکلای دعاویدن سالم افندیك سلائیكدن ارسال ایتدیکاری مقاله محتوی بولندیقی تدقیقات واقفانه و ادله عدیده حسیبله سائرلرینه ترجیح اولنش و قارئلرمزك انتظار استفاده سنه وضعی و جیبه دن عد اولنشدر . محترم سالم افندیك مسابقه مزه اشتراکینی مجموعه مز حقنده بر التفات اوله رق تلقی برله مقاله لرندن طولانی کندیلرینه شورا جده بیان تشکرات مخصوصه ایلر و اوروپا بجامع حقوقیه سندہ کال افتخارله کوردیکمز امضای عالیبری ایله مجموعه مزیده زینتدار ایتملرینی رجا ایدرز .

مقالات سائرہ مبانیده « فریدون نکار » امضاسیبله الدیفمز بر مقاله کزیده دخی مؤلفنک اقتدار علمیسنه بر برهان جلی اوله جق تدقیقاتی شامل اولمغله کذلک معاونت قلمیه لرینک ابدانته انتظار ایلرز .

حق تبعید

بر مملکتده اقامت ایدن اجنبیلرک معاملات و حرکاتی طولایسیبله اول مملکتده دوام اقامتی دولتجه مجبور دن سالم دکسه آنک تبعیدینه حکومتك حق و صلاحیتی

اولدینی حقوق دول مؤلفرنجه متفق علیه مسائلدن عد اولانه بیلور.

Pandectes françaises نام اثر مهمك Expulsion کلمه سنده حکومتك

اشبو تبعید حتی بو صورتله تشریح ایدلمشدر :

« همان هر برده نظامات ضابطه و امنیت مملکت ایچون موضوع اولان قوانین

داخل مملکتنده ساکن اولانلرک کافه سی ایچون مرعی و جاریدر فقط بر اجنبی

کندیسی قبول ایدن مملکتك جزا قانوننه هدف اولمق سزین او مملکت منافعی

خلافنده حرکت ایدمه مزیمی ؟ شو سبيله امنیت عامه نك محافظه سیله مکلف اولان

حکومتك اجنبی به قارشو بر قوه اجرائیه به مالک اولسی و امنیتتی سوء استعمال

ایستدیکی مملکتدن اونی طرد ایدمه بیلوسی لازمه دندر . اجنبی کندی مملکتنده

دکدر و افراد ملت کبی حق اقامتی حائز دکدر . اجنبی مسافردر و بو صقته

مأمورین محلیه نك نظارت قویه سی تحتنددر . کندیسی قبول و اقامته مساعد

ایدن حکومت او اجنبینك منافع ملیه به ایراث مضار، صفت مسافرتیه ترتب ایدن

وظائفی اخلال ایتمسی منع ایتمکله مکفدر . مشوار و حرکاتی بر سبب اغتشاش

و ولوله اوله سیله جک اجانبك اقامتیرینی منع ایتمک حقنی بالجمله حکومت حاکمه نك

حائز بولندیغنی بلا تردد تصدیق ایتملیدر . »

آئیده اسماری محرر [۸] حقوق دول مؤلفرنك مطالعاتی دخی بو مرکزده

اولمقله برابر بر اجنبینك مملکتدن تبعیدی حکومتك حائز اولدینی حقوق حکمرانی

و استقلاللی جمله سندن بولندیغنی دخی تصدیق ایدلمشدر .

انکلتزه دولتی استئنای ایدیلورسه تبعید همان دول متمدنه نك کافه سنده جاری

اولان اصول اقتضاسندن - وحق تبعید اکثر دولترلده اداره انحاز اولان تداییر

[۸] Wattel, droit des gens, Lev II Chap VII x 94 et chap VIII x x 100 — Pheritalt, droit Int^{al} Codifié X 383. — Heffter, le droit Int^{al} de l'Europe x 33 et 62. — Martens, droit Int^{al} traduit par Lev Val 1. p. 447. — Grand Traité de droit Pénal, vol 1. p. 257. — weiss, Traité de droit International privé vol 2. p. 87. — Rolin droit Int : vol 1 P. 147 — Merignhac Droit Public vol 1 P. 232. Esperson Condizione Giuridica dello Straniero P. 59 et suivants.

جمله‌سنددر [۲] بر جزا ترتیبیدن عبارت اولان اجنبیلر حقندہ کی حق تبعیدک بلا محاکمه اجرائی معطله مخالف و حربت شخصیه به‌غیر اولدینی ادعا ایدیلہ بیلورسده بر مملکتده اقامت ایدن اجنبیلر حق و صفت مسافر پروری به Hospitalité مغایر اوله رق حضور و آسایش مملکتی اختلال ایدہ جک حرکاتده بولندینی حالده حقندہ قانوناً مجازاتی ایجاب ایتدیره جک بر حرکتک وقوعه انتظار ایتمکدن ایسه حقوق عمومیه بی محافظه مسافرک مملکتدن تبعیدی احوال نامرضیه میدان ویرماتک اوزره وقایه حقوق مملکت نقطه نظرندن ر معامله احتیاطیه مصیبه‌در. هر حالده تبعید معامله‌سی اساساً اهمیتلی بر تدبیردن عبارت اولدیفنندن اسباب معقوله و مقبوله موجود اولمقسزین استعمال ایدماتک دخی طبیعیدر. بونک ایچوندرکه بلجیقاده نشر اولتان ۶ شباط سنه ۱۸۸۰ تاریخلی نظامنامه‌ده: بر اجنبینک مملکتدن تبعیدی مجلس وکلاجه ویریله جک و حکمدار طرفدن تصدیق اولته جق بر قراره مسقند اولق ایجاب ایدہ جکی کوسترلمشدر. هر حالده حق تبعید بردولتک اول درجه حقوق حکمرانیندن عدایدلمکده درکه بعض مؤاخر تبعید حققی استعمال ایدن دولتک اسباب موجبہ درمیانہ بیلہ مجبور اولدینی رأی و مطالعاتنده بولنورلر اشته بوصورته موسیو وایس Weiss حقوق خصوصیه دول نام اثر مهمنک ایکنجی جلدینک ۸۵ نجی صحیفه‌سنده :

«اجانب حقندہ متخذ تدبیر تبعید اسباب موجبہ درمیانی قیدندن بیلہ وارسته اولوب حکومتک حائز بولندینی صلاحیت ضابطه داره‌سنده و بو جهت ایلہ قوه عدلیه‌نک مداخله و مراقبه‌سی خارجنده در» دیور طولوز حقوق دول معلمی موسیو Mérignabe دخی بوکره نشر ایلدیکی Droit Public International نام اثرینک برنجی جلدینک ۲۵۱ نجی صحیفه‌سنده حکومتک بو حققی بروجه آتی تعریف ایدبور :

«بالجمله حکومتلر اداره مرکزیه بی مملکت ایچون دائمی تهلمکه اولان برانجینی ساده بر تدبیر اداری اولق اوزره تبعیده صلاحیتدار قلمشدر. فرانسه‌ده

[۲] Pandectes Françaises, mot Expulsion No 96 à 147 Feraud Giraud dans la Revue de Droit Int: 1887 P. 15 en note et Esperson ouvrage cité vol 1 P. 59 et suivants.

۳ کانون اول سنه ۱۸۴۹ تاریخنده نشر اولنان قانونک یدنجی ماده سی بوصول حقی شو بولده تصریح ایدور : بر حکومتک امنیت عامه ایچون وجودی مختططه اولان راجه بی برکونا دلائل مثبتیه ویا ایضاحات اراؤه واعطاسنه مجبور اولمقسزین مملکتندن تبعید ایتک حقی حائز بولندی فکری الیوم عمومیتله ارباب حقوق طرفندن قبول ایدلمشدر. مع هذا حکومتک حق تبعیدی اجرا ایده بیلیمک ایچون جهت عدلیه مقبول اسباب محقه درمیان ایتسی لازم کله چکی و یوقمه حریت بشریه قاعده مقدسه سی اخلال ایتش اوله جفی ده ادعا قلمشدر. شو قسدرکه بو فکرده بولنانلر حق تبعیدک امنیت اجتماعیه ، منفعت عامیه متعلق بر تدبیر اولوب بو جهتلرک تقدیری ایسه قوای عمومیه عاقد اوله بیلله چکنی و بو بایده ایضاحات اعطاسی مناسبات دولیده تهلیکلی بر کرکینلک حصوله کتیره بیلله چکی ایچون قوای عمومیه ک علی الاکثر محرمیت مطلقه بی مستلزم ایضاحاتدن وارسته بولنق لازمکله چکنی دوشونما مشلردر.»

معلم مشهور شهز افندی دخی : حقوق دول نام اثرنده بو دأرده حق تبعیدی استعمال ایدن دولت ایچون « بو بایده برکونا اسباب موجب درمیان ایتک یعنی تبعید ایدیلن اشخاصک تبعید اولندیغی مملکتده دوام اقامتده ملحوظ اولان محاذیر حقنده ایضاحات ویرمک کلفی اصلا وارد اولمندی بولنده بیان مطالعه ایلمشدر .

راجه بی مملکتندن اداره تبعید ایدن دولتک بوبایده ایضاحات اعطاسنه مجبور اولمندی بولده اراد اولنان مطالعات شوق تبعید حکومتک نه درجه حقوقی استقلاله سندن عدایدلرکله دلیل اوله بیلوب فقط بین الدول جاری اولان حسن مناسباتک ادامه سی ایچون بوکی بر تدبیری اتخاذ ایدن دولتک معامله سی حق و بر احتیاجه مقرون اولدیغی برای اثبات تبعید اولنان اجنبینک دولت متبوعه سنه قارشو ایضاحات اعطا ایلیمک و بوضوئله مناسبات دوستانه بی اخلال ایلیمک لمیحجاب ایده چکی درکاردر. ایضاحات اعطا اولنوب اولنمامسی مسئله سی حقنده نه رأی و مطالعه ده بولنیورسه بولفسون هر دولت مملکتده بولنان آخر دولت تبعه

سندن برينك تبعيدينه لزوم كوردېكي حالده اداره بومعهامله بي اجرايه ماذون اولديني حقوق دول نقطه نظرندن متفق عليه بر مسئله عد اولنه سيلوب دول اجنبيه مختلفه نك هان بالجمله مشاهير منتسبين حقوقندن متشكل Institut de Droit International مؤسسه سي دخي بوحي تسليم ايلمشدر [۱].

ممالك متعدده جاري اولان اصول وقاعده بوندن عبارت اولديني حالده دولت عليه قايمنولاسيون ايله اجنبيير تامين ايديلان امتيازات اشبوحي تبعيد معامله سنك اجراسنه بر مانع تشكيل ايدوب ايمه جكي مسئله سي موضوع بحث اوليور. موسيو ف. روزرونك ۱۸۸۷ سنه سي حقول دول رساله سنده نشر ايلديكي بر مقاله ده: ممالك عثمانيه ده اقامت ايدن اجنبييرك ايضاع ايلديكاري جرائمن طولاني محاكمه و تاديبري دولت متبوعه سي قونسولاتوسنه عائد اولديني مثللو آسايش عمومي بي اخلال ايله جكارندن خوف اولنورسه مملكتلرينه تبعيد ايتك وظيفه سي ده يته قونسولاتوسنه مودوع بولنديني قونسولوس نظامه سنده مذكور ايدوكي سبب اتخاذ ايدرك ممالك متعدده حكومت محليه ويريلن حق تبعيدك ممالك عثمانيه ده قونسولوسله مودوع ايدوكي يولنده تلقى ايديله جكني و بناء عليه تبعيد حق دولته استعمال ايديله ميوب منحصر آقونسولوسه عائد برحق بولنديني سرد ايلمشدر شوبله كه :

« بوكي امتيازادن و بودرجه قطعي بيانادن صكره حضور و راحتري تحت تأمينه آلان و منحصر آ كندی مأمورلرينك زير انضباطنده بر اقبالان اشخاصك كندی تابعيتلرينه يي سائحي مأمورلر معرفتيله تبعيد ايديله بيله جكاريني ادعا ايتك غريب اولوردي .

ذاتاً شرق اسكله لرنده جنائت ، جنحه ، و يا عادي بر قباحندن طولاني انحق كندی محكمه لرنده و يا هيچ دكسه قونسولوسلرينك امري اوزرينه انضمام معاوتيله تحري و تعقيب ايديله بيلان اجانب حقنده فصل اولوبده عهداً معين مأموريندن غيري مأمورلر طرفندن تبعيد معامله سنه قدر اتخاذ تدابير اولنه بيله جكني يقين ايتك ممكن دكلر »

ممالك عثمانیه ده استرداد مجرمین حقننده طرف عاجزیدن نشر اولنا مذکور
حقوق دول رساله سنک ۱۸۹۱ سنه سی نسخهنده مندرج اولنان مقاله ده
هر دولتک حاز اولدینی حق تبعید دولت علیه ده دخی جاری بولنیدن در میان
قلمش و بوجهت بروجه آتی مدافعه ایدلشدیر:

(دوام اولنه جقدر) سلا نیکده وکلای دعاویدن

سالم

طبابت جراحیه ده یاماچلیق

عقللره حیرت ویره جک برترقیه مظهر اولان جراحیلق بوکونلرده بام باشقه
بر دور جدیده کچمک اوزره بولونیور. ابدی الاشهار «لیستر»ک اصول مضاد تعفی
سایه سنده میقرو بلردن امین و آزاده قالان بر جراح کرک عمومی کرک موضعی
اون چشید آغری صیزی دیورماز چاره لرسایه سنده نشترینی وجودک هر طرفه
صوقوبور، دماغه، قلبه، معده و بوبره کلره قدر کیده رک بر دوغرامه جی کی کسوب
یچیوردی. شیمدی بوکا اسکی وخسته بعض عضولری چیقاروب آتهرق یرینه
باشقه برینک صاغلام عضوینی یامه لامق اصولی علاوه اولونه حق کی کورولویور.
حتی فرانسه ده انجمن دانش طبی اعضاسندن اوپراتور (ده لیه) بر جوق مجر بلرک
مشاهده لرینه استناداً بوتبديل عضوده موفقیت تامه حاصل اوله جقنی حکم ایله مکده در.
مثلا بر قاج سنه اول آلمانیا جراحیلرندن (هوپتر) بر کدینک بوبره کئی چیقاروب
یرینه دیکر بر کدینک کئی طاقش فقط بونی متعاقب حیوان یاشامیه رق تلف
اولمشدی. فقط بوکره نیورق شهرنده کان (انستیتور و کفلر) ده دو قور (قارمل)
عین تجربه بی مکرراً اجرا ایله موفقیت کوره رک مشاهده لرینی نشره باشلامشدر.
شویله، که آمریقالی (قارمل) ایکی آی مدت بر (محلول) مخصوصه صافلامقده اولان دامار
پارچه سی آلب بر کوپکک عین دامارینی چیقاره رق یرینه طاقش و حیوانک دوران دمنده
هیچ بر تغیر حصوله کله مشدر. صوکر ا بر کدینک ایکی بوبره کئی بردن دیکشدر مشله.
حیوان تمام ۷۲ کون افعال حیاتییه سنده اصلا تغیر وقوعه کلمکسزین یاشامش بعد و قسز